



Ko e hā e me’a ’okú ne langa ha fakava’e mālohí?

Na’e “ue’i hake [’a Siosefa Sāmita] ’e he Laumālie Mā’oni’oni ke ’ai [’a e] tu’unga” ’o e Siasí ’a e Fakamo’uí kuo fakafoki maí (Tokāteline mo e Ngaahi Fuakava 21:2). Na’e fakafoki mai e ngaahi tokāteline totonú mo e mafai ’o e lakanga fakataula’eikí iate ia. Na’e fakatoka heni ha fakava’e fefeka ki hono fokotu’u-tu’u ’o e Siasí i ’Epeleli 1830.

’E ’oatu ’e he lēsoni fakataumu’a ko ’ení ’a e mahu’inga ke ma’u ha fakava’e ’oku mālohí ki he Siasí.

FEALĒLEA’AKÍ

Ko e hā ’oku ako’i mai ’e he lēsoni ko ’ení fekau’aki mo e fa’unga ’o e Siasí? Lau ’a e Tokāteline mo e Ngaahi Fuakava 21:1–6 pea alea’i hō’omou talí mo e fāmili.

Teuteú

Te ke fie ma’u ’a e:

- Ipu pelesitiki pe pepa ’e ono pe lahi ange
- Ko ha me’a ’oku tokalelei (hangē ko ha pepa fefeka, kapa ta’o keke, pe la’ipapa)
- ’Ū me’a mamafa kehekehe, hangē ko ha ’ū tohi pe ngaahi fo’i maka ’i he ipu takitaha, hiki ha tefito’i mo’oni ’e tokoni ke langa ’a e fakava’e ’a e Siasí, hangē ko e “lakanga fakataula’eikí” pe “ngaahi folofolá.” Te ke lava ’o kumi e ngaahi tefito’i mo’oni i he vahe 20–22 ’o e Tokāteline mo e Ngaahi Fuakavá.



Ko hono Langa ha Fakava’é

Kamata ’aki ha’o fehu’i ki ho fāmili pe ’oku nau pehē ko e hā e lahi ’o e mamafa ’e lava ’e he ipu ’e tahá ke fuesiá. Fēfē ha ’ū ipu kehekehe?

Fakafo’ohifo e ’ū ipú i he falikí pe ko ha funga tēpile. Fokotu’utu’u kinautolu i ha laine ’e ua, ko e ipu ’e tolu i he laine takitaha. Hili ’a e papa tokalelei i he funga ipú pea kamata ke hili hifo i ’olunga ai ’a e ’ū me’a mamafá. Ko e hā e lahi ’o e me’a te ne lava ’o pukepuké?

